

PIUMASSUTSIMIK SULINEQ

Kalaallit Nunaanni Red Barnet piumassutsimik suliallit nersornaaserpai

Meeqqat Ikioqatigiit, Kalaallit Nunaanni Red Barnet, pingasunnngormat aaqqissuussivoq, tassani kajumissutsimik suliaqartartup sulisimanera pillugu nersornaatisinneqarluni



Her modtager Lars Peter Danielsen Red Barnet i Grønlands frivilligspris
Red Barnet Kalaallit Nunaat

AAQISSUISOQARFIK | Thursday, 02. November 2017 - 16:37

Lars Peter Danielsenip ukiuni arlalinni kajumissutsimik suliaqarsimanera pillugu Kalaallit Nunaanni Red Barnetip, Meeqqat Ikioqatigiit nersornaasiuttangaanik tigusisuuvoq.

Nersornaat ippassaq pingasunnngornermi tunniunneqartoq, Meeqqat Ikioqatigiit tusagassiutinut nalunaarummi allappoq.

Kalaallit Nunaanni Red Barnet-ip immikkoortortaa 2013-imi pilersinneqarpoq, tamannali ukiorpassuarnik sioqqullugu Red Barnet Kalaallit Nunaanni suliniuteqarsimavoq. Lars Peter Danielsen-itut Rebekka Olsvigitullu nammineq piumassutsiminnik sulisut, marluullutillu ukiuni aqqaneq marlunni nammineq piumassutsiminnik sulisimanertik pillugu nalliuttorsuutigineqartut, Kalaallit Nunaanni meeqqat pitsaanerusumik atugassinniarlugit namminissarsioratik suliuarsimapput. Allat piumassutsiminnik sulerusuttut takkussimanerat Kalaallit Nunanni Red Barnetimi nunannaarutigaarput.

- Piumassutsiminnik sulisut Red Barnet-ip sulinerani qitiupput pinngitsoorneqarsinnaanngivillutillu. "Taamaammatt Kalaallit Nunaanni meeqqanut ilaqtariinnullu sanngiiffilinnut iluaqutaasumik piumassutsiminnik annertuumik sulisut nersorneqarnissaat pissusissamisoorsoraarput, Kalaallit Nunaanni Red Barnetimi siulersuisut siulittaasuat Jonna Ketwa, nersornaasiinermi oqarpoq.

Aaqqisuussinermi piumassutsiminnik sulisut suliaat pillugit siulersuisunit qutsavigineqarput ukiullu amerlasuut sulisimasut marluk nersornaaserneqarlutik. Unnuk takkuttunut nuannersumik nipilersornertalimmik nerisitsinertalimillu ingerlanneqarpoq, paasisutissiissutigineqarpoq.